

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐՀՆԵՐԳԻ ԿԱՏԱՐՄԱՆ ՆՈՐ ԿԱՐԳԸ ՍԱՀՄԱՆԵԼՈՒ ՄԱՍԻՆ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

« » _____ 2025 թվականի

N - Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐՀՆԵՐԳԻ ԿԱՏԱՐՄԱՆ ՆՈՐ ԿԱՐԳԸ
ՍԱՀՄԱՆԵԼՈՒ ՄԱՍԻՆ**

Հիմք ընդունելով «Հայաստանի Հանրապետության օրհներգի մասին» օրենքում փոփոխություններ եվ լրացումներ կատարելու մասին» օրենքի 6-րդ հոդվածի 2-րդ մասը՝ Հայաստանի Հանրապետության կառավարությունը **որոշում է.**

1. Սահմանել Հայաստանի Հանրապետության օրհներգի կատարման նոր կարգը՝ համաձայն հավելվածի:
2. Ուժը կորցրած ճանաչել «Հայաստանի Հանրապետության օրհներգի կատարման կարգը սահմանելու մասին» Հայաստանի Հանրապետության կառավարության 2007 թվականի ապրիլի 12-ի N 448-Ն որոշումը:
3. Սույն որոշումն ուժի մեջ է մտնում պաշտոնական հրապարակման օրվան հաջորդող օրը:

Հայաստանի Հանրապետության
վարչապետ

Ն. ՓԱՇԻՆՅԱՆ

Հավելված

ՀՀ կառավարության N -Ն որոշման

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐՀՆԵՐԳԻ ԿԱՏԱՐՄԱՆ

1. Սույն կարգով սահմանվում է Հայաստանի Հանրապետության օրհներգի կատարման կարգը:
2. Հայաստանի Հանրապետության օրհներգը կատարվում է՝

1) Հայաստանի Հանրապետության Նախագահի կողմից երդման տեքստի ընթերցումից հետո՝ նվագախմբի (Հայաստանի Հանրապետության օրհներգի մասին օրենքի հավելված 3-ով հաստատված երաժշտական խմբագրությամբ (այսուհետ՝ Օրենքի Հավելված 3) կամ նվագախմբի և երգչախմբի (Օրենքի Հավելված 5-ով հաստատված երաժշտական խմբագրությամբ և տեքստի համապատասխանությամբ (այսուհետ՝ Օրենքի Հավելված 5) կենդանի կատարմամբ կամ նվագախմբի և երգչախմբի ձայնագրությունը հնչեցնելով (Օրենքի Հավելված 5):

2) Հայաստանի Հանրապետության Նախագահի, Հայաստանի Հանրապետության Ազգային ժողովի Նախագահի, Հայաստանի Հանրապետության վարչապետի մասնակցությամբ պաշտոնական և հանդիսավոր արարողությունների սկզբում՝ նվագախմբի (Օրենքի Հավելված 3) կամ նվագախմբի և երգչախմբի կենդանի կատարմամբ (Օրենքի Հավելված 5) կամ ձայնագրությունը (Օրենքի Հավելված 5) հնչեցնելով.

3) Հայաստանի Հանրապետության Նորընտիր Ազգային ժողովի առաջին նիստի բացումը հայտարարվելուց հետո, ինչպես նաև հերթական նստաշրջանների բացումը և փակումը հայտարարվելուց առաջ՝ երգչախմբի (Օրենքի Հավելված 1) կամ նվագախմբի և երգչախմբի ձայնագրությունը հնչեցնելով (Օրենքի Հավելված 3).

4) Հայաստանի Հանրապետության տարածքում անցկացվող պաշտոնական արարողությունների ժամանակ Հայաստանի Հանրապետության դրոշը բարձրացնելու ընթացքում՝ նվագախմբի կենդանի կատարմամբ (Օրենքի Հավելված 3) կամ նվագախմբի և երգչախմբի ձայնագրությունը հնչեցնելով (Օրենքի Հավելված 5).

5) օտարերկրյա պետությունների Նախագահների (ղեկավարների), օրենսդիր մարմինների ղեկավարների, վարչապետների (կառավարությունների ղեկավարների), պաշտոնական ներկայացուցիչների, միջպետական և միջկառավարական կազմակերպությունների ղեկավարների՝ Հայաստանի Հանրապետություն պետական և պաշտոնական այցերի ժամանակ արարողության սկզբում՝ նվագախմբի կենդանի կատարմամբ (Օրենքի Հավելված 3) կամ նվագախմբի և երգչախմբի ձայնագրությունը հնչեցնելով (Օրենքի Հավելված 5).

6) Հայաստանի Հանրապետության տարածքում անցկացվող գորահանդեսների բացման ժամանակ՝ նվագախմբի (Օրենքի Հավելված 3) կենդանի կատարմամբ, իսկ Հայաստանի Հանրապետության զինված ուժերի և

այլ զորքերի գործառնելով առավել անվտանգ՝ Հայաստանի Հանրապետության դրոշի բարձրացման և երեկոյան՝ Հայաստանի Հանրապետության դրոշի իջեցման ժամանակ՝ նվագախմբի և անձնակազմի կենդանի կատարմամբ (Օրենքի Հավելված 5)։

7) Հայաստանի Հանրապետության տարածքում գործող բարձրագույն կրթական հաստատություններում, անկախ սեփականության ձևից, ուսումնական տարվա սկզբի ու ավարտի հանդիսավոր արարողության սկզբում՝ նվագախմբի և երգչախմբի ծայնագրությունը հնչեցնելով (Օրենքի Հավելված 5)։

8) Հայաստանի Հանրապետության տարածքում գործող բոլոր հանրակրթական դպրոցներում, նախադպրոցական ուսումնական հաստատություններում, արհեստագործական և միջին մասնագիտական կրթական ծրագրեր իրականացնող ուսումնական հաստատություններում, անկախ սեփականության ձևից, ամեն երկուշաբթի՝ դասերն սկսվելուց առաջ՝ նվագախմբի և երգչախմբի ծայնագրությունը հնչեցնելով (Օրենքի Հավելված 5)։

3. Հայաստանի Հանրապետության օրհներգը կարող է կատարվել՝

1) Հայաստանի Հանրապետության պետական կառավարման և տեղական ինքնակառավարման մարմինների հանդիսավոր արարողությունների և միջոցառումների սկզբում՝ նվագախմբի (Օրենքի Հավելված 3) կամ նվագախմբի և երգչախմբի ծայնագրությունը հնչեցնելով (Օրենքի Հավելված 5)։

2) Ոչ պետական կազմակերպությունների և այլ անձանց կողմից անցկացվող հանդիսավոր արարողությունների և միջոցառումների սկզբում կամ հանդիսավոր արարողության ընթացքում մրցանակների հանձման ժամանակ՝ մեներգի կամ մենանվագի կամ նվագախմբի կամ նվագախմբի այլ կազմի (այլ փոխադրումով) կամ երգչախմբի կամ նվագախմբի և երգչախմբի կենդանի կատարմամբ կամ ծայնագրությունը հնչեցնելով (Հավելվածներ 1-6՝ առաջնորդվելով միջոցառման կամ արարողության ժամանակացույցով և ֆորմատով)։

3) պետական տոներին (Օրենքի Հավելված 3), հուշարձանների բացման հանդիսավոր արարողությունների, պատմական իրադարձություններին նվիրված հանդիսավոր նիստերի, ժողովների բացման սկզբում՝ նվագախմբի կենդանի կատարմամբ կամ ծայնագրությունը հնչեցնելով (Օրենքի Հավելված 3 կամ Օրենքի Հավելված 4)։

4) հուշաքանդակների և հուշատախտակների բացման հանդիսավոր արարողությունների սկզբում՝ մեներգի կամ մենանվագի կամ նվագախմբի կամ նվագախմբի այլ կազմի (այլ փոխադրումով) կամ երգչախմբի կամ նվագախմբի և երգչախմբի կենդանի կատարմամբ կամ ծայնագրությունը հնչեցնելով (Հավելվածներ 1-6՝ առաջնորդվելով արարողության ժամանակացույցի սահմանափակումով և ֆորմատով)։

5) միջազգային կամ հանրապետական պաշտոնական մրցումների ու մրցաշարերի կամ համապետական մարզական պաշտոնական միջոցառումների բացման և փակման ժամանակ կամ մրցանակների հանձնման արարողության ժամանակ՝ մեներգի կամ մենանվագի կամ նվագախմբի կամ նվագախմբի այլ կազմի (այլ փոխադրումով) կամ երգչախմբի կամ նվագախմբի և երգչախմբի կենդանի կատարմամբ կամ ձայնագրությունը հնչեցնելով (Հավելվածներ 1-6՝ առաջնորդվելով միջոցառման ժամանակացույցի սահմանափակումով և ֆորմատով):

4. Հայաստանի Հանրապետության օրհներգի այլընտրանքային կատարումը իրականացնել Հայաստանի Հանրապետության կրթության, գիտության, մշակույթի և սպորտի նախարարության թույլատվությամբ:
5. Հայաստանի Հանրապետության օրհներգի կատարման կարգի խախտման դեպքում սահմանել տուգանք սահմանված նվազագույն աշխատավարձի երկուհարյուրապատիկի չափով:

*Փողային նվագախմբի կողմից Հայաստանի Հանրապետության օրհներգի կատարման դեպքում առաջնորդվել Օրենքի Հավելված 3-ի երաժշտական խմբագրությամբ՝ ադապտացնելով նվագախմբի կազմին և առաջնորդվելով Հավելված 3-ի հարմոնիկ լուծումներով և հաջորդականությամբ: